

UKLJUČITE SE U KLUB DONATORA TUZLE!

ZAŠTO NAM TREBA LOKALNA FONDACIJA ZA RAZVOJ TUZLE?

- «DOBRO ZA ZAJEDNICE, DOBRO ZA MENE»
- Radi unaprijeđenja grada/zajednice/Tuzle 25x;
- Pospješuje život mladih i zajednicu 2x;
- Za opšte blagostanje/boljitak cijelog društva 3x;
- Da podrži građanske inicijative/ kao izvor sredstava 3x;
- Poboljšava uslove života 5x;
- Isključivo/posebno radi mladih 3x;
- Radi razvoja koji će donijeti pozitivne promjene/ napretka (posebno mladih) 6x;
- Ima puno mladih, imaju ideje, nemaju uslove za realizaciju;
- Tuzla je grad koji ima potencijala, a pogotovo da ljudi imaju takav cilj i želju da razviju sebe i svoj grad kroz to; Ona može pomoći razvoju svijesti o potrebi davanja za dobrobit zajednice;
- Fondacija je koristan učesnik u poboljšanju razvoja grada i smatram bitnim imati mjesto na kojem se može informisati i raditi na pokretanju inicijativa;
- Da se pomognu socijalni programi, nezbrinuta djeca i zapošljavanje mladih;
- Opredjellili bi se za ono što nedostaje opštini, poboljšali izgled grada;
- Dobar način za finansiranje malih inicijativa građana - djeluje motivirajuće; jer je nemamo, a prijeko nam je potrebna; ko će nam pomoći, ako nećemo sami sebi; podrška, posebno mladima je neophodna; gradu su potrebni pokretači, inicijative, ljudi koji će raditi na animiranju građana, kontaktiranju sa organima vlasti, istraživanju i radu na novim sadržajima korisnim za građane Tuzle
- Samo da je vode poštenu ljude; da bi nam društvo bilo bolje organizovano i civilizovanije

FOND ZA RAZVOJ TUZLE

Kako donirate sredstva za razvoj Tuzle posredstvom FTZ?!

Svaki pojedinac, organizacija, firma, javna ili nevladina institucija, radnik, omladinac, može postati lokani filantrop i time doprinijeti razvoju zajednice.

1. Možete postati "Priatelj" Fondacije - ukoliko izdvojite donaciju od 10 do 99 KM
2. Izdvajanjem donacije u visini od 100 - 999 KM postajete lokalni filantrop i članom **Kluba donatora Tuzle**, ostavljajući pravo FTZ da usmjeri donaciju u neki od postojećih fondova: Fond za mlade, Fond "Volim Tuzlu", Fond za kulturu, sport i društveni život, Fond za obrazovanje i treninge, Fond za socijalne programe.
3. Izdvajanjem donacije u visini od 1000 - 9.999 KM postajete lokalni filantrop i članom **Kluba donatora Tuzle**, s mogućnošću usmjeravanja donacije u jedan od fondova: Fond za mlade, Fond "Volim Tuzlu", Fond za kulturu, sport i društveni život, Fond za obrazovanje i treninge, Fond za socijalne programe.

Ukoliko želite osnovati vlastiti Fond u okviru Fondacije tuzlanske zajednice možete to učiniti u minimalnom iznosu od 5.000 KM. Pri tome će FTZ obračunati administrativne troškove opsluživanja fondom u visini od 1,5%. Osnovani Fond možete nazvati imenom kakvim želite, a novac iz Fonda usmjeriti na aktivnosti koje će najviše zadovoljiti vaše filantropske želje.

«POKLONITE ZAJEDNICI, POKLONILI STE SEBI!»

Donatori ne poklanjaju svoja sredstva Fondaciji tuzlanske zajednice, već poklanjaju svojoj zajednici posredstvom lokalne fondacije.

Po iskustvu ostalih fondacija za razvoj lokalne zajednice, donatori poklanjaju zajednici na dva načina:

1. Davanjem donacije u postojeće fondove obično opšti fond, tematski fond, koji daju slobodu lokalnoj fondaciji da zadrži fleksibilnost u odgovaranju na potrebe zajednice.

2. Osnuju vlastiti fond obično savjetovani fond, namjenski fond, memorialni fond i opet tematski fond ukoliko se filantropski interesi donatora poklapaju sa već postojećim fondovima u fondaciji.



Izdavač: Fondacija tuzlanske zajednice
Kancelarija: Oslobođilaca 4, Simin Han, Tuzla, Tel/Fax. + 387 35 312 930

Tekstove pripremili:
Jasna Jašarević izvršna direktorica
Angelina Hodžić voditeljica programa priprema rezultati ankete

Design: UNDO desing Tuzla
Štampa: Grafing doo Tuzla
Mart 2007. godine
Pripremljeno i štampano u 1000 primjeraka uz podršku donatora: Freudenberg Stiftung, C.S.Mott Foundation i Fond otvoreno društvo BiH.



Fondacija tuzlanske zajednice



Fondacija tuzlanske zajednice

TUZLANSKA FONDACIJA

Broj 1

FONDACIJA TUZLANSKE ZAJEDNICE U PROMOCIJI ORGANIZOVANE LOKALNE FILANTROPIJE

ŠTA JE FILANTROPIJA?

Na engleskom govornom području, većina ljudi kada čuje riječ «filantropija», oni pomisle na bogataše koji daju novac za opšte korisne razloge, kao što je umjetnost, kulturu, obrazovanje. Ono što većina ljudi ne shvata je da je filantrop svako onaj ko svoje vrijeme ili znanje ili novac daje za opšte dobro i opšte korisne stvari. U SAD-u, riječ «filantropija» se koristi i kada se dodjeljuju «grantovi» za neprofitne organizacije i aktivnosti od opšteg značaja. Ipak, najbolja je ona stara gračka riječ koja filantropiju tumači kao «čovjekoljublje»

“LJUBAV PREMA ČOVJEKU”

FONDACIJE I NJIHOVA ULOGA U RAZVOJU CIVILNOG DRUŠTVA

Kako da održimo rad udruženja građana, građanskih formalnih i neformalnih klubova, grupa i inicijativa kada nam sredstva od stranih donatora izostanu?

Da li će budžeti vlada na svim nivoima vlasti u našoj državi, moći da kontinuirano podržavaju i prate rad nevladinih organizacija? Odgovor je jednostavan: neće.

Da bi osigurali dovoljno domaćih resursa za održiv rad i razvoj civilnog sektora moramo sagledati mogućnost razvijanja više domaćih fondova i fondacija koje će se tematski ili geografski fokusirati na podršku razvojnim inicijativama u BiH.

Udruženja i Fondacije

Fondacije su način na koji ljudi posvećuju dio imovine u korist cijele zajednice. Fondacije pripadaju organizacijama civilnog društva. Pravno gledano, nevladine i neprofitne djelatnosti se organiziraju u dva glavna oblika: Udruženja i Fondacije. Oba oblika su način da se usmjere dobrovoljni prilozima društvu.

Kada se građani udružuju radi organiziranja aktivnosti za npr. zaštitu okoline, oni se koriste slobodom udruživanja, pri čemu se dlučuju na osnivanje Udruženja kao pravnog lica.

Kada građani namjenjuju dio svoje imovine opštem dobru, npr. pomažu nadarenoj djeci, koriste se temeljnim pravom raspolaganja svojom imovinom kako oni to žele. Za ovakvu djelatnost je najprikladnije osnovati Fondaciju, kao posebno pravno lice, čije postojanje nije ovisno o dužini života osnivača. Fondacija nema članova niti vlasnika. Fondacija ima korisnike, osobe čije se potrebe podmiruju programima fondacije.

U slučaju fondacije, imovina postaje neovisna osoba, sa svojom vlastitom voljom i svojim organima upravljanja. **Fondacija, baš kao i fizička osoba, ima pravo živjeti cijeli život.**

Fondacije za opšte dobro

Koncept fondacije je veoma star. To je odraz čovjekove prirode, čin solidarnosti jednih prema drugima, te čin solidarnosti među generacijama.

Osoba može namijeniti dio ili cjelokupnu imovinu, poslije svoje smrti, nekoj plemenitoj svrsi. U društvima gdje je moralni aspekt davanja za opće dobro tradicionalno dio religije, kao u islamu i krišćanstvu, to utiče i na svrhe u koje se daje npr. za održavanje nekog svetog mjesta, briga za bolesne i siromašne.

Fondacije se razvijaju u društvima gdje postoji vjera u ideju partnerstva između građana i institucija, gdje se u organizaciji društva uvažava načelo decentralizacije, uz naglašavanje prava i obaveza subjektivne odgovornosti i samopomoći.

Građanima, kao poreskim obveznicima, se pruža mogućnost da dio svojih prihoda ili imovine, neoporezivo daju u dobrotvorne i općekorisne svrhe. Takvo poresko oslobođenje je pticaj za civilni angažaman i za zauzimanjem za probleme razvoja društva na dobrovoljnoj osnovi.

Dobrovoljni rad i donacije u novcu i naturi preko fondacija značajno doprinose socijalnom razvoju i saniranju posljedica djelovanja tržišnog poslovanja te oskudice državnih programa.

Fondacije i njihovi programi ne mogu biti zamjena za vladine programe. Njihovi programi mogu biti samo dopuna već postojećim programima.

Režimi koji su zasnovani na ideologiji podložnosti građana državnoj politici, daju malo mogućnosti za razvoj dobrovoljnih i neovisnih djelatnosti za opće dobro.

U osamdesetim godinama, osnivanje fondacija je oživjelo i fondacije su dobile na važnosti. Prije svega zbog razvoja drugih sektora: privrede i politike, od kojih fondacije trebaju biti neovisne.

Pred fondacije kao organizacije civilnog društva stavljaju se posebni zahtjevi za transparentnost u radu.

Upravljanje fondacijama, se temelji na zakonskim i moralnim odredbama. Takav pristup osigurava optimalnu učinkovitost i održivost razvoja.

Fondacije za razvoj lokalne zajednice

Novi trend razvoja fondacija u zapadnim zemljama povezan je sa razvojem fondacija lokalnih zajednica (community foundations). Fondacija lokalne zajednice je nezavisna, dobrotvorna organizacija, osnovana s ciljem da podmiri kritične potrebe i poboljša kvalitet življenja na određenom geografskom području, kao što je grad ili regija.

Ove fondacije djeluju kao prijenosnici, prikupljajući i preraspodjeljujući darove i podrške dobivene od raznih donatora. Dok fondacija lokalne zajednice djeluje kao izvor sredstava lokalnim neprofitnim organizacijama, ona igra još veću ulogu kao čimbenik socijalne promjene.

Ta je organizacija posebno posvećena unapređenju vitalnosti zajednice. Privlačeći i mobilizirajući nove resurse, te stvarajući partnerstvo među građanima u zajednici, poduzetnicima, neprofitnim organizacijama i vlade, ove fondacije služe kao važan mehanizam za rješavanje problema na lokalnom nivou i izgradnji samopouzdanja u zajednici.

Promovirajući vrijednosti dobrovoljnog darivanja i volonterstva, te služeći kao posrednik za sve ljude, bez obzira na ekonomska sredstva kojima raspolažu, da ostave trajan utjecaj u zajednici, oni promovišu prepoznatljiv i pristupačan model filantropije.

Jednom, kad je osigurala postojanje fondacijske imovine osnovnih sredstava, fondacija lokalne zajednice može se dalje dugoročno i sistematično baviti problemima u lokalnoj zajednici, zadržavajući fleksibilnost da prepozna nove potrebe koje se javljaju tokom vremena.

Fondacije lokalnih zajednica stavljaju se kao okvir za razvoj civilnog društva odozdo.

Fondacija tuzlanske zajednice FTZ

Iako su fondacije lokalnih zajednica sve popularniji model razvoja zajednice i filantropije, razumjevanje i razvoj ovog koncepta u našoj zemlji i drugim zemljama bivše Jugoslavije, je još uvijek u povojima.

Fondacija tuzlanske zajednice, u saradnji sa tri strane fondacije radi na promoviranju ovog koncepta kao jednog od načina da se stvore dugoročni i održivi resursi za razvoj Tuzle.

KOLIKO TUZLACI ZNAJU O FILANTROPIJI?

U prvoj polovini 2006. godine, volonteri i osoblje Fondacije sproveli su anketu među 170 građana Tuzle u okviru javne promocije Fondacije tuzlanske zajednice 4. marta 2006. Željeli smo saznati da li postoji tradicija davanja u dobrotvorne svrhe i za opće dobro u Tuzli, te kako, koliko i na čiju inicijativu se građani uključuju u filantropske aktivnosti. Pitali smo građane šta su, po njihovom mišljenju, prioriteta za davanje pomoći u općini Tuzla. Većina ispitanika je bila između 20-40 godina starosti. Od ukupnog broja ispitanih 47% su bile žene, a 53% muškarci.

Na pitanje da li postoji tradicija davanja u dobrotvorne svrhe i za opće dobro u Općini Tuzla, čak 66 % ispitanih građana Tuzle je reklo da postoji, 23% je reklo da djelimično postoji, dok je čak 11% njih reklo da uopšte ne postoji. Ovakvi nalazi se mogu potkrijepiti i dodatnim odgovorima na pitanje koliko je danas razvijena filantropija u Tuzli, čak njih 119 je reklo da je tek na početku razvoja.

DA LI SU GRAĐANI TUZLE LOKALNI FILANTROPI?

Da li ste učestvovali u dobrotvornim akcijama? Čak 77% ispitanih je reklo da je učestvovalo više puta, a 11% je reklo da nije nikako.

Oni koji su se već pokazali kao lokalni filantropi davali su najviše za pomoć siromašnim (95 ispitanih) i za potrebe djece i za ljude sa posebnim potrebama (91 i 44). Dosta odgovora se odnosilo na davanje za zdravstvo (38), ali i humanitarne organizacije Crveni križ i Merhamet, te manje za Caritas. 28 je navelo davanja za crkvu i džamiju, te isti broj za ekološke akcije. Tek 24 ispitanika su spomenuli pomaganje građanskim inicijativama, a 20 kulturnim događajima i samo 18 obrazovnim aktivnostima. Aktivnosti deminiranja ili saniranje posljedica od elementarnih nepogoda niko nije izabrao.

Analiza rezultata: Angelina Hodžić, FTZ, april 2006.god



Na pitanje: «Šta bi bio prioritet za davanje pomoći?», najveći broj ispitanih, čak 135, je označilo socijalne programe za ugrožene kategorije.

UDRUŽENJA I NEFORMALNE GRAĐANSKE INICIJATIVE POMAŽU RAZVOJU TUZLE!

Saznali smo šta Tuzlaci misle o aktivnim udruženjima, građanskim inicijativama, njihovim projektima, te koliko podržavaju ideju o postojanju Fondacije za razvoj lokalne zajednice. Tuzlaci su sigurni da postoje aktivna udruženja u gradu (90% pozitivnih odgovora), koja provode projekte korisne za zajednicu (čak 78% pozitivnih odgovora).

S druge strane, veliki broj ispitanih, njih 76% je reklo da postoje i aktivne neformalne grupe građana koje svojim inicijativama unapređuju razvoj naše zajednice.

Dok se većina ispitanih slaže da su mladi uključeni u građanske inicijative i udruženja (77%), manje od 50% smatra da su i istaknuti Tuzlaci uključeni u akcije za dobrobit zajednice. Znači da njih 46% je reklo da oni nisu aktivni u udruženjima i građanskim inicijativama.



LOKALNA FONDACIJA ZA RAZVOJ TUZLE

Na pitanje: «Da li vam se sviđa ideja o postojanju lokalne fondacije za razvoj grada Tuzle?», čak 99% ispitanih je odgovorilo sa DA!

KAKO ODRŽATI RAD I RAZVOJ LOKALNE FONDACIJE ZA RAZVOJ TUZLE?

Da bi građane potakli na razmišljanje o mogućim izvorima finansiranja lokalne fondacije za razvoj grada pitali smo ih da li postoji dovoljan broj istaknutih Tuzlaka iz raznih sektora, koji će podržati rad i razvoj Fondacije tuzlanske zajednice? Na žalost, tek nekih 50% ispitanih je bilo optimistično, što nam je potvrdilo sumnje da će razvoj prve lokalne fondacije za razvoj lokalne zajednice na području BiH biti spor i težak, ali ne i nemoguć.

Na pitanje da li će Tuzlanska dijaspora pomoći samo 47% je reklo Da, a 49 % je reklo NE. Prema rezultatima ankete, nije optimističan ni odgovor da će Tuzlaci koji žive u drugim dijelovima BiH baš mnogo pomoći, jer je 54% ispitanih reklo da neće.

